

2 Yohana

Yohana ya seme shuun wo wemu ka ge

Jɔɔ mu we seme we d'a tun wɛ?

«Cee wemu naha k'a bulo ge, wee ni wu nagoo» na tudunmɔɔ Yohana ya we seme we naha tii. Lee kɔri jɛ Egilizi wa ni wu n'a daa fɛɛ.

We seme we kakana juɔɔ

Yohana ya Egilizi wu luu waha na pu kori yaha can wu ni, pu da jaari taanɔɔɛɛge ni, pu da puyɛ kasɛri karamɔɔɔ-kafinejuu pu na.

Seme wu kafila jugbɔɔɔ

2 Yohana 1-3 Yohana fɔ mujuu.

2 Yohana 4-6 Na jaari can ni taanɔɔɛɛge ni.

2 Yohana 7-11 Yohana ya pu kaala ni karamɔɔɔ-kafinejuu pu kaa ni.

2 Yohana 12-13 Jomɔ pu taxɔɔɔ.

Yohana fɔ mujuu

1 ¹ Nɛ wemu wu jɛ egilizi nɔhɔle ge, nɛ wa we seme we ka. Na ceboroshɔ wemu naha Kile ya bulo ge, wee ni wu nagoo mu n'a wu tunni. Yee kaa ya dan nɛ ni can can na. Ga nɛ yɛ bɛ wɛ, sipyii piimu bɛeri pu jɛ Kile wo can wu na ge, yee kaa ya dan pee bɛeri ni. ² Yee kaa ya dan wɛɛ ni, bani Kile wo can wu wa wɛɛ funyɔ ni, wee di wa da gori yaha bɛ gbee wu funyɔ ni.

³ Ayiwa, To Kile ni wu Ja Yesu Kirisa wu niime, ni saama, ni jɔɔɔɔɔ kan wu mu, kɔnhɔ wu gori yaha wu can wɛ, ni wu taanɔɔɛɛge ki ni.

Na jaari can ni taanɔɔɛɛge ni

⁴ Nɛ mu nagoo pii ja pee ya jaari can koo li ni, ba To Kile ya yi jo jogana lemu na wɛ. Lee kunni ya nɛ funyɔ taan xuuni. ⁵ Lee bɛ na na ceboroshɔ, n'a da jɔmɛɛfonɔ jo ma mu wɛ. Ga jɔmɛɛ le n'a da jo ma mu ge, lee jɛ Kile ya jɔmɛɛ lemu kan wu mu fo taashiine li ni ge, na wu taan ni wuyɛ ni. ⁶ Jɔmɛɛɛ kiimu Kile ya jo ge, wu ba kee koro jaari, lee li jɛ taanɔɔɛɛge ke. Lee jɔmɛɛ le l'a jo yee mu fo taashiine li ni, na y'a taanɔɔɛɛge koro jaari.

⁷ Sipyii piinɔɔɔɔɔ niɔɔɔɔɔ pu wa kɔɔɔ ke na nime, pu wa kabaya ye bɛeri na. Pee ya ta sɔɔ li na na Yesu Kirisa ya pye sipya, na ba se ke kɔɔɔ

ke na wε. Pee sipyii pii pu jε sipyii piinjeveε pee, ni Kirisa wo pεen pee. ⁸Lee wuu na y'a yiye kaseri, kɔnhɔ yi ganha bu buun yi labye wu kuduun ni wε, ga y'i wu kuduun wu bεeri ta. ⁹Yi li cε na sipya bεeri wu jε wu ya kori yaha Yesu Kirisa wo kalaa we na-ε ge, ga fo na wuyε pyaa jidaan fara wu na ge, weefɔɔ jε Kile wo karijεεge ki ni bada wε. Ga sipya wemu bu gori yaha Yesu Kirisa wo kalaa wu na, weefɔɔ na bye karijεεge ni ni To Kile, ni wu Ja wu bε ni. ¹⁰Sipya bεeri w'a pa yi mu ni kalaa watii ni wemu jε Yesu Kirisa wo kalaa we-e ge, yi ganha bu da weefɔɔ yaha wu jε yi puga wε. Yi ganha bu da ali fɔ bε sεεge taan wufɔɔ na wε. ¹¹Bani mu wemu bu fɔ bε sεεge taan wu na, l'a pye kanna mu w'a wɔ ni wu ni wu kapyegeε niguuɔɔ ki na.

Jomɔ pu taxɔɔ

¹²Keree niɲehεjεε wa nε mu na jo yee mu, ga na funɲɔ wa di kee bεeri pye sεmε di dun yi mu wε. N'a giin di she yi yiri wù she baari wùye jii na, kɔnhɔ wù fundanga ki jɔ di fa.

¹³Ayiwa, Kile ya ma ceboroshɔ wemu bε jaha bulo naha ge, wee bε wo nagoo ya ma shaari.